

**Uunga siunnersuut: Ilanniartut ineqarfii pillugit Inatsisartut Inatsisaata allanngortinnissaa
pillugu Inatsisartut inatsisisattut siunnersuut**
(Ilanniartitaanermut, Kultureqarnermut, Timersornermut Ilageeqarnermullu Naalakkersuisoq)

Saqqummiussissut

Siullermeerinninneq

Naalakkersuisut sinnerlugit matumuuna saqqummiuppara Ilanniartut ineqarfii pillugit Inatsisartut inatsisaannut allannguutissamut siunnersuut.

Naalakkersuisut ilinniagaqartut atugaat immikkut aalluppaat. Tamatumani aamma ilaavoq ilinniagaqartut ilinniagaqarnerminnut atatillugu ilanniartunut inissiani ineqaannarsinnaanerat.

Ilisimatusarfimmi Ilinniagaqartut siunnersuisoqatigiivi – Pitaq – kissaateqarluni saqqummiussinikuvoq ilinniagaqartut ineqarfiiinut inatsisip allanngortinneqarnissaanik, ilinniagaqartut naartunerup meerartaarnerullu nalaani ilanniartut ineqarfianni ineqaannarsinnaanerat periarfissaalerseqqullugu.

Naalakkersuisut kissaataasooq taanna paasilluarsinnaavaat, taamaattumillu siunnersuut una saqqummiullugu.

Ilanniartut ineqarfii pillugit Inatsisartut inatsisaanni nr. 42, 12. december 2019-imeersumi § 38-imi aalajangiunneqarpoq Naalakkersuisut ilanniartut ineqarfianni ineqartumut attartornermut isumaqtigiiissut atorunnaarsittassagaat ilinniagaq naammassineqaraangat imaluunniit unitsinneqaraangat, imaluunniit ilanniartut ineqarfianni najugaqarnissamut atugassaritaasut naammassineqarunnaaraangata. Ilanngullugulu tassani aalajangersarneqarpoq ilinniakkamik ingerlatsinnginnej ilinniakkamik unitsitsinertulli isigineqartussaasoq, soorluttaaq unitsitsigallarneq ilinniagaqanngiffesarallarnikkut, tamatumani aamma naartuneq meerartaarnerlu pissutigalugit ilinniakkamik unitsitsinertut isigineqartartut, taamalu ilanniartut ineqarfian ni ineqarsinnaaneq atorunnaartarluni. Tassuuna takuneqarsinnaavoq naartuneq meerartaarnerlu ilinniakkamik unitsitsinertut isigineqartartoq.

Taamaattumillu inatsimmi § 38-imi aalajangersagaq atuuttoq pissutigalugu ilinniagaqartut ilaat naartunermut meerartaarnermullu atatillugu illoqarfimmut angerlarsimaffigisaminut angerlartariaqartarpot, naak illoqarfik angerlarsimaffillu najugarisartik qimareersimagaluarlugu. Ilinniagaqartullu allat ilinniakkaminnik ingerlatsiinnartariaqartarpot ilanniartutut inigisaq atuinnarsinnaajumallugu.

Taamaattumik Naalakkersuisut inatsimmik allannguunissamut tunngavilersuutigaat ataatsimut isigaluni kissaatigineqarmat qularnaarneqassasoq ilinniarnerup nalaani toqqissimasunik ilinniagaqartut atugassaqartitaasarnissaat. Tamatumngalu ilaavoq ilinniagaqartup ineqarfearnermini atugai. Naartunermut meerartaarnermullu atatillugu ilanniartut ineqarfian ni najugaqaannarsinnaanermut periarfissaqartinneqarneq taamaasilluni ilalersuutaassaaq ilinniagaqartup ilinniakkaminnik naammassinnissinnaaneranut.

Taamatut oqaaseqarlunga siunnersuut Inatsisartunut inussiarnersumik suliassanngortippa.